



ՀՈԳԵԾՆՈՐԷ ՄԵՍՐՈՊ ԱՐԵՂԱՆ ԱՆԹԱՐԵՅԱՆ

Մեսրոպ արեղա Ան-
թարյանը, ավագանի
անունով Փայլակ, ծնե-
վել է 1929 թվականին
Հերոսական և պատ-
մական Մուսա լեռան
տանայակ հայ գյուղե-
րից Վաղրճի գյուղում,
բարի և հավատացյալ
գյուղացու ընտանի-
քում: Փայլակի ման-
կությունն անցել է
ծննդավայրի հարա-
զատ բնության դրիտով
մինչև 1939 թիվը, երբ
Մուսա լեռան ամբողջ
հայությունը, հարկա-
դրաբար լքելով տուն
ու հող, հեռացավ հայ-
րենի իր օջախներից
և իրր գաղթական ա-
պաստան գտավ հյուր-
բնիկ Սիրիայում և
Լիբանանում: Գաղթող-
ների թվումն էին նաև
Փայլակի ծնողները, ու-



րանք իրենց հայրենակիցների մի մեծ մասի
հետ հաստատվեցին Այն-էլ-Ճարում (Լիբա-
նան): Պատանի Փայլակն իր նախակրթու-
թյունն ստացավ Այն-էլ-Ճարի դպրոցում,
որն ավարտեց փայլուն հաջողությամբ 1944
թվին, և նույն տարվա հոկտեմբերին ըն-
դունվեց Երուսաղեմի Ժառանգավորաց վար-
ժարանը: Ուսումնասիր, ուշիմ և ազնիվ պա-
տանու առաջ բացվում են հայ մշակույթի,
լեզվի, գիտության, զարգացման դոմենը:
Փայլակն իր հեղահամբույր բնավորությամբ,
օրինակելի վարք ու բարքով և ջանասիրու-
թյամբ իր վրա է հրավիրում վարժարանի
տեսչության, դասախոսական կազմի ուշա-

գրությունը և իր ըն-
կերների համակրան-
քը: 1947 թվին նա մեծ
հաջողությամբ ավար-
տում է Ժառանգավո-
րաց վարժարանի դա-
սարանական բաժինը
ու նույն տարվա աշ-
նանը ծնողների հետ
ներգաղթում է Հայրե-
նիք և ընդունվում Հո-
գեոր Ճեմարան:

1951 թվին, գինված
կաշոն և խոր գիտե-
լիքներով, նա ավար-
տում է Հոգեոր Ճեմա-
րանի լսարանական
բաժինը, իրրև ա-
վարտաճառ ներկա-
յացնելով «Ներսես
Շնորհալիմ որպես
գրական դեմք» աշ-
խատությունը, որն
արժանանում է գերա-
զանց գնահատականի:
Նույն տարվա նոյեմ-

բեր ամսին ձեռնադրվում է սարկավագ:

Փայլակ սարկավագը ուսանողական գրա-
սեղաններից աշխատակցել է «Էջմիածին»
ամսագրին անկեղծ և անմիջական հայրենա-
շունչ բանաստեղծություններով և այլ հոդ-
վածներով:

Վեհափառ Հայրապետի կարգադրությամբ,
1956 թվի հունվարի 22-ին Փայլակ սարկա-
վագը ձեռնադրվում է կուսակրոն քահանա և
վերանվանվում Տ. Մեսրոպ:

Վեհափառի հրամանով Տ. Մեսրոպ արե-
ղան նշանակվել է Հոգեոր Ճեմարանի վերա-
կացու և «Էջմիածին» ամսագրի խմբագրու-
թյան աշխատակից:

